

ԲԱՆԱՍԻՐԱԿԱՆ ՀՇՏՈՒՄ

ՀԱՅՈՐ ՓԱՐԱԿԵՑՈՒ

Ինչպես հայտնի է, Սահակ Պարթևի Տեսիլքն ու դրա Մեկնությունը Ղ. Փարպեցու Պատմության մասն են կազմում¹։ Մեղ հայտնի ձեռագրական բոլոր միավորներում Տեսիլքն ու Մեկնությունը ձույլ ամբողջություն կազմելով Պատմության հետ՝ միշտ հանդես են գալիս վերջինիս մեջ միասնաբար (թեև նյութի բովանդակությամբ թելադրված ներքին տրամաբանության համաձայն այդ երկու փոքրիկ հատվածները միմյանցից և նույն ժամանակ Պատմությունից ենթախորադրերով պատրուշված լինելով՝ հայտնի են նաև առանձին ընդօրինակությամբ)։

Հայագիտության մեջ, սակայն, տակավին Մ. Չամչյանից սկսած, բազմիցս կարծիքներ են հայտնվել, առաջադրվել վարկածներ՝ Տեսիլքի և Մեկնության, իբրև ինքնակա գործերի, Ղազար Փարպեցու Պատմության մեջ հետամուտ հավելում լինելու մասին։

Հարցին նվիրված ուսումնասիրությունների շարքում բանասիրական ներշնչում և համակողմանի քննությամբ աչքի է ընկնում Ն. Ակիսյանի «Քննություն տեղյան Ս. Սահակ» վերտառությամբ ընդարձակ հոդվածը², ուր հեղինակը նպատակադրվում է ասպեցուցել, թե Սահակ Պարթևի Տեսիլքն ու Մեկնությունը պարունակող «Ղազար Փարպեցույ Ա զրվագը ... անհարազատ է Ղ. Փարպեցու անվան և կեղծիք մըն է Ը դարու Ա կեսին հրապարակի վրա դրված։ Ըստ այսմ այն պարագան, որ Տեսիլքս տեղ գտած է Ղ. Փարպեցու այս դրվագին մեջ, հարկ է նկատի առնել իբրև ըմբռնում Ը դարու առաջին կեսին»³։ Այնուհետև «նախնայաց վկայությունք» ենթախորադրի ներքո հայագետը բերում է միջնադարյան հայ և օտար աղբյուրներում այս կամ այն շափով Սահակի Տեսիլքի մասին ակնարկվող հատվածները, որոնց շարքում, ի դեպ, հենց սկզբից վկայաբերվում է Մ. Խորենացու Հայոց Պատմության «...ի բազում թախանձելոց նոցա հարկաւորեալ (Սահակ Պարթևը— Հ. Ք.) պատմեաց զտեսիլն, որ յառաջ քան զբազում ժամանակս երեւութացավ նմա ի քուն ասպագայիցն յայտնութիւնք»⁴ սուղերը, որոնք, թվում է, որո-

1 «Ղազարաւ Փարպեցույ Պատմութիւն Հայոց և Թուրք առ Վահան Մամիկոնեան», աշխատությամբ Դ. Տեր-Մկրտչյան և Ստ. Մալխասյան, Տիգրիս, 1904, էջ 29—36։

2 Գ. Աբգարյան, Դարձյալ Սեբեոսի մասին («Բանբեր Մատենադարանի», № 10, 1971, էջ 456, ծան. 86), Պ. Մուրադյան, Հատված Ղազար Փարպեցու «Պատմությունից» («Հայագիտական հետազոտություններ», պրակ Ա, Երևան, 1974, էջ 194—204)։

3 Այս խնդրին նվիրված գրականության ցանկը տե՛ս «Հանդես ամսօրյա», 1936, էջ 470։

4 Նույն տեղում, էջ 465—479, 1937, էջ 48—87. նույնը մեկ գրքով՝ Ն. Ակիսյան, Տեսիլք Ս. Սահակայ. մատենագրական-պատմական քննություն, Վիեննա, 1949։

5 «Հանդես ամսօրյա», 1936, էջ 471։

6 «Մովսիսի Խորենացույ Պատմութիւն Հայոց», Տիգրիս, 1913, էջ 354, տ. 16—18։

շակի պարզություն կարող էին մտցնել խնդրի մեջ և միաժամանակ, թեկույ մշտնջող վկայությունը լինել այն բանի, որ Տեսիլքը (ինչպես և Մեկնությունը) V դ. (թուղ որ բանավոր վիճակում) արդեն այնպիսի հեղինակություն էր վայելում, որ հիշատակվում էր նույնքան հեղինակավոր ու ավելի քան ստուգապատում մի վավերագրում, որպիսին Մ. Խորենացու Հայոց Պատմությունն է։ Սակայն բանի որ ն. Ակինյանի որդեգրած հայտնի դիրքորոշման համաձայն (որ իշխող մտայնություն էր այն օրերի հայագիտության մեջ ընդհանրապես) Մ. Խորենացին VIII—IX դդ. հեղինակ է, ապա, բնականաբար, խնդրո առարկա Տեսիլքը պետք է որ մատենագրական երկերում կենցաղավարել սկսեր առնվազն VIII դ. սկզբից միայն, մանավանդ որ նրա մասին ամենավաղ վկայությունները, ինչպես գիտնականն է պնդում, VIII դ. առաջին կեսից այն կողմ չեն անցնում⁷։ Այնուամենայնիվ աշխատության «Քննություն Տեսլյան» գլխում հեղինակը, հետևելով Հ. Գաթրճյանին⁸, պնդում է, որ «Տեսիլքս յուր հարադատ մասերուն մեջ շատ հին և համեմատությամբ Մեկնության, թերևս և դարու հրկրորդ քառորդեն»⁹, Հանգամանք, որ ենթադրում է «Տեսիլքի հնագույն (անանուն—Հ. Ք.) բնագիր մը—Սկզբնագիր, ասկե առաջացած Տեսիլքին նախավոր խմբագրություն մը հանդերձ վարդապետական Մեկնությամբ—Ա խմբագրություն», այնուհետև Բ խմբագրություն «վերագրված հավանորեն Դանիել Ասորվո, այս Բ խմբագրությունը մանր փոփոխությամբ վերագրված է ապա Սահակա»¹⁰։

Այսպիսով, բոլոր ն. Ակինյանի՝ Տեսիլքի միայն (Բ խմբագրությունից ծագած) այսպես կոչված Բ խմբագրությունն է վերագրվել Սահակին։ Առաջին երկու խմբագրություններից մեկը եղել է անանուն, իսկ մյուսը վերագրվել է Դանիել Ասորուն։ Իրողություն, որով և Սահակ Պարթևի անվամբ Տեսիլքի իր իսկ զատորոշած Բ խմբագրության երևան գալը ն. Ակինյանը կապում է VIII դ. սկզբի հետ¹¹, որովհետև հենց այս խմբագրության մեջ է, որ նա 700 Բ. հետո տեղի ունեցած դեպքերի կամ քաղաքական ակնկալությունների ակնարկներ է նշմարում։ Մինչդեռ, ելնելով ցարդ անուշադրության մատնված մատենագրական մի տվյալից, հարկ է ենթադրել, որ Սահակ Պարթևի Տեսիլքը Մեկնության Ա խմբագրության հետ մեկտեղ VII դ. առաջին կեսին իր իսկ անունով արդեն հայտնի մի ստեղծագործություն էր։ Խոսքը 634—645 թթ. ստեղծված¹² Հ. Մայրազոմեցու «Վերլուծութիւնք կաթողիկէ եկեղեցւոյ եւ որ ի նմայ կարգաց» աշխատության մասին է¹², որ ի տարբերություն Մ. Խորենացու Պատմության, ոչ միայն հիշատակվում, այլև ուղղակի վկայաբերումներ են կատարվում Սահակի անվամբ առկոչվող Տեսիլքի Մեկնության Ա խմբագրությունից։ Անվածն առավել պարզ դարձնելու համար հանդիպադրենք զուգահեռ տեղիները.

7 «Հանդես ամսորյա», 1936, էջ 471—472։

8 «Ներբազան Պատարագամատոյցը Հայոց», Իրատարակելալ հանդերձ յաւելումաժօք ի Յակովբոս է Տաշեան, Վիեննա, 1897, էջ 727—728։

9 «Հանդես ամսորյա», 1937, էջ 58։

10 Նույն տեղում, էջ 58, հմմտ. էջ 67։

11 Նույն տեղում, էջ 51։

12 Դործը Իրատարակվել է երկիցս՝ Կարապետ Սպիսկոպոս, Հովհան Մանդակունի և Հովհան Մայրազոմեցի («Շողալաթ», էջմիածին, 1913, էջ 131—136) և «Սիրոն», 1967, № 1—2, էջ 70—75 (Իրատ. ն. և պ. ս. Մովսէս)։

Մեկնութիւն Տեսլեան Ս. Սահակայ
(«Ղազարայ Փարպեցւոյ Պատմութիւն
Հայոց», նշվ. հրատ.)

Եւ բեմբն շորեքկուսի կանգնեալ որ
երեւցաւ քեզ, բարձր յերկրէ մինչև
յերկինս՝ հաւատն ճշմարտութեան է.
որով վերանան արդարքն ի ծանրու-
թենէ աշխարհիս կենաց ի քեթևու-
թիւն երկնից բնակութեանն (էջ 31,
տ. 30—32, էջ 32, տ. 1):

... եբաց զմասն ինչ կտաւոյն... որ
յայտնէ սրբոց իւրոց զխորհուրդ ծած-
կեալ աստուածութեանն իւրոյ: Ընդ
որով կայր սեղանն ոսկի ի պատուա-
կան ականց ընդելուզեալ սրբոյ եր-
րորդութեանն ծանուցանի միասնա-
կանութիւն¹³ (էջ 32, տ. 16—20):

Յորոյ վերայ կայր սկուտեղն ար-
ծաթի. քանզի իբրև զարծաթ ընտիր
և փորձ լուսափայլ յամենայն ազգս
ընդունողաց սփռեալ տարածեցաւ
բանն, զոր և սաղմոսերգս վարդա-
պետէ սուրբ Հոգւովն, յասելն, թե
բանք Տեառն որպէս զարծաթ ընտ-
րեալ և փորձեալ յերկրէ (Սաղ. ԺԱ 7)
(էջ 33, տ. 29—34, էջ 34, տ. 1):

Ինչպես ցույց են տալիս համապատասխան հատվածների բառացի հա-
րասումներն ու իմաստային մերձիմոտությունը՝ Տեսիլքի Մեկնությունը, հե-
տևաբար և, բնական է, ինքը՝ Տեսիլքը, Հ. Մայրազոմեցու ձեռքի տակ գտնվող
նրան քաջ հայտնի գործերից էր, որ Գ. Լուսավորչի Տեսիլքի հետ, որից,
ի դեպ, բազմաթիվ քաղվածքներ է կառարում դավանաբան հեղինակը,
կարող էր ուղեցույց դառնալ եկեղեցու, պատարագի կամ եկեղեցական այլ
պարագաների խորհրդավոր նշանակությունը նվիրված «Վերլուծութիւնք կա-
թողիկէ եկեղեցւոյն աշխատության համար»:

Այսպիսով, ելնելով սույն և նախընթաց իրողությունից, հարկ է մտա-
ծել, որ եթե Մ. Խորենացու Պատմության մեջ Սահակի Տեսիլքի հիշատակու-

Վերլուծութիւնք կաթողիկէ եկե-
ղեցւոյ («Սիոն», 1967, № 1—2)

Իսկ բեմին վերամբարձութիւնն ցու-
ցանէ յամենայն աստուածային ուղ-
ղութիւնսն յերկրէ ընծայեալս բարձր
և կանգուն զհստատոյ դաւանութիւն
ճշմարտութեան, որով վերանան ար-
դարքն ի ծանրութենէ աշխարհիս կե-
նացն, ի քեթևութիւն երկնից բնա-
կութեանն (էջ 73):

Իսկ սուրբ սեղանն սրբոյ երրորդու-
թեանն ծանուցանէ մեզ միասնակա-
նութիւնն, որպէս Ս. Սահակ ուսու-
ցանէ տեսլեամբ: Իսկ ծածկեալ զգես-
տիւք արծանաորաւք՝ այս ծածկեալ
խորհուրդ ըստ ինքեան արծանի սուրբ
Նորորդութեանն, որ եւ այս ցուցաւ
ի տեսլեան Ս. Սահակայ (էջ 72):

Իսկ նուիրանոցքն արծաթիք, սպա-
սու սրբոյ սեղանոյն, այս բանք Տեառն
ընտրեալ եւ փորձեալք որպէս զար-
ծաթ, որպէս ասէ կանխաւ մարգա-
րէն, եւ յետոյ Ս. Սահակ ուսուցանէ
(էջ 72):

¹³ «Միասնականութիւն» ձևի դիմաց Մատենադարանի № 4803 ձեռագիրն ու «Սուրբ Զայկականք»-ը (հ. Ա, Վենետիկ, 1853, էջ 55) «Միասնական էություն» ընթերցումն ունեն
(բնագրային ընդգծումները մերն են—Հ. Ք.):

մը կարող էր, թերեւ, քանակոր ազդեցութիւններ, ապա 2. Մայրագոմեցու այս գործում Տեսիլքի Մեկնութիւնից կաւարձած ուղղակի վկայարկումները ենթադրում են մինչև VII դ. Ուսակ Կարթիկ անվամբ իսկ արդեն հայտնի Տեսիլքի և Մեկնութեան, իբրև զրավոր ստեղծագործութեան, կենցաղավարում հայ մատենագրութեան մեջ (անկախ այն հանգամանքից, որ սրաչ այդ նրա առկայութեանը Ղ. Փարպեցու Դատմութեան մեջ որոշ հայագետների համար մնում է տակաւին տարակուսելի)։

ФИЛОЛОГИЧЕСКОЕ УТОЧНЕНИЕ

АКОП КЕСЕЯН

Резюме

Видный арменист И. Акинян в своей работе «Исследование Видения Саака» (Вена, 1948) стремился доказать, что известное под именем Саака Партева произведение «Видение Саака Партева» было создано только в начале VIII в., так как в нем исследователь видит известные намеки на политические сдвиги, происшедшие после 700 г. Однако параллельные отрывки из произведения О. Майрагомеци (первая половина VII в.) «Объяснение (частей) кафедральной церкви и (действующих) в ней порядков» и «Толкование Видения Саака» явствуют, что «Видение Саака Партева» было известно как литературное произведение уже в начале VII в.